

<b>Adroddiad i'r:</b>	<b>Pwyllgor Archwilio Cymunedau</b>
<b>Dyddiad y Cyfarfod:</b>	<b>9 Gorffennaf 2015</b>
<b>Aelod / Swyddog Arweiniol:</b>	<b>Aelod Arweiniol y Parth Cyhoeddus/ Pennaeth Gwella Busnes a Moderneiddio a Phennaeth Cynllunio a Gwarchod y Cyhoedd</b>
<b>Awdur yr Adroddiad:</b>	<b>Hyfforddai Graddedig: Gwella Busnes a Moderneiddio</b>
<b>Teitl:</b>	<b>Diweddariad Prosiect Rheoleiddio Meysydd Carafannau yn Well</b>

---

### **1. Am beth mae'r adroddiad yn sôn?**

Mae'r adroddiad yn adroddiad dilynol i'r un a gyflwynwyd i'r Pwyllgor Archwilio Cymunedau ym mis Ebrill 2015. Bydd yn amlinellu'r gwaith a wnaed hyd yn hyn a'r camau nesaf a gynlluniwyd gan y Gwasanaeth Gwella Busnes a Moderneiddio ynghyd â darparu diweddariad ar elfen Cynllunio a Gwarchod y Cyhoedd y prosiect.

### **2. Beth yw'r rheswm dros lunio'r adroddiad hwn?**

Darparu gwybodaeth ynglŷn â chynnydd y prosiect ers trosglwyddo cyfrifoldeb am gasglu data i'r Gwasanaeth Gwella Busnes a Moderneiddio.

### **3. Beth yw'r Argymhellion?**

Bod y Pwyllgor yn darparu sylwadau ar gynnydd y prosiect hyd yn hyn ac yn cytuno ar y camau nesaf.

### **4. Manylion yr Adroddiad**

#### **Cefndir**

Yn dilyn prosiect peilot o fewn Cynllunio a Gwarchod y Cyhoedd, a arweiniodd at gynhyrchu papur gwerthuso dewisiadau Cofnodion, Rheoleiddio a Sgil-Effeithiau, trosglwyddwyd y cyfrifoldeb ar gyfer agweddau corfforaethol y prosiect i Adran Gwella Busnes a Moderneiddio.

Fodd bynnag rhoddwyd y dasg o barhau i gynhyrchu gweithdrefn reoleiddio i Adran Cynllunio a Gwarchod y Cyhoedd. Bydd y weithdrefn hon yn nodi'r dewisiadau rheoleiddio ar gyfer rheoli defnydd preswyl anawdurdodedig o garafannau gwyliau o safbwynt cynllunio a thrwyddedu.

Er y cyflawnir rhai cerrig milltir y prosiect gan wahanol wasanaeathau bydd yn cael ei gynnal fel prosiect sengl.

## Cynnydd hyd yma

Roedd archwiliadau cychwynnol y tîm prosiect wedi nodi bod mater mewn perthynas â diffyg rhestr gynhwysfawr o gyfeiriadau'r holl safleoedd carafannau gwyliau (a charafán gwyliau unigol) yn y sir (gweler adran 2 Atodiad 1). Penderfynwyd y byddai datblygu rhestr gynhwysfawr o gyfeiriadau carafannau yn galluogi gwasanaethau, ar bwynt cyswllt â'r cwsmer, i nodi preswylwyr carafannau gwyliau a phenderfynu ar y camau priodol h.y.a yw'r cwsmer yn gymwys ar gyfer y gwasanaeth ai peidio. Fel y cyfryw byddwn yn gallu lleihau dyraniad gwasanaethau i'r rhai nad ydynt yn gymwys yn gyflym. Gyda hynny, gan fod gwasanaethau yn cofnodi gwybodaeth cyfeiriadau safleoedd carafannau gan gwsmeriaid yn fwy cywir bydd hyn yn galluogi cynhyrchu adroddiadau sy'n fwy dibynadwy ar ddefnydd y gwasanaeth yn y dyfodol.

Felly penderfynodd y grŵp prosiect y dylid datblygu'r rhestr hon (gan gynnwys cyfeiriadau safleoedd a chyfeiriadau carafannau gwyliau unigol) fel un o gerrig milltir allweddol y prosiect. Cytunwyd y dylid ychwanegu'r cyfeiriadau carafannau unigol at yr LLPG ( Rhestr Eiddo a Thir Lleol).

Er y bydd nodi data cyfeiriadau carafannau gwyliau unigol yn fuddiol yn yr hir dymor, gall y broses o gasglu a mewnbynnu data ei hun gymryd rhywfaint o amser hefyd. Byd d angen cryn dipyn o amser a gwaith cynllunio o ran datblygu ffrydiau cyfathrebu agored gyda pherchnogion safleoedd er enghraifft. Bydd angen i berchnogion safleoedd ddeall amcanion y prosiect a bydd angen iddynt fod yn barod i gydweithio â ni at ddiben rhannu gwybodaeth mewn perthynas â chyfeiriadau carafannau unigol.

At hynny, oherwydd cyd-ddibyniaeth sy'n bodoli rhwng y prosiect hwn a phrosiectau Dewis Digidol a Datrysiad Rheoli Data ar hyn o bryd ni fydd gan yr holl wasanaethau fynediad at wybodaeth cyfeiriadau ar unwaith (gweler adran 2.1 Atodiad 1). O'r herwydd nododd y tîm prosiect ddatrysiad dros dro trwy ddatblygu canllaw ar gyfer cofnodi data cyfeiriadau carafán a chymhwysedd gwasanaeth ynghyd â chofnod gwybodaeth safle carafannau (gweler Disgrifiadau Cynnyrch yn Atodiad 2).

Ynghyd â chynhyrchu rhestr o gyfeiriadau carafannau cynhwysfawr, nodwyd pum carreg filltir allweddol arall ar gyfer y prosiect gan gynnwys:

- Mapio lleoliadau a lwfansau safleoedd carafannau gwyliau (cynllunio a thrwyddedu) (gweler Atodiad 3).
- Datblygu system prosesu data sy'n galluogi adrodd ar ddefnydd gwasanaeth gan 'breswylwyr' carafannau gwyliau (Gweler atodiad 4 ar gyfer y data a gasglwyd hyd yn hyn) Mae'r atodiad hwn wedi ei eithrio o ddatgeliad cyhoeddus yn unol â pharagraff 13 o Atodlen 12A, Deddf Llywodraeth Leol, 1972.
- Dadansoddi a mapio canlyniadau defnydd gwasanaeth
- Cynhyrchu strategaeth carafannau corfforaethol

- Datblygu gweithdrefn reoleiddio a chynllun gweithredu

Gellir gweld ein cynnydd tuag at gyflawni'r cerrig milltir hyn yn adran 3 Atodiad 1.

### **Camau Nesaf**

Bydd y prosiect yn canolbwyntio ar y cerrig milltir canlynol yn ystod y 4 mis nesaf:

- Parhau i ddatblygu rhestr o gyfeiriadau safleoedd carafannau
- Datblygu system prosesu data
- Cynhyrchu dogfennau canllawiau cymhwysedd a mewnbynnu data cyfeiriadau carafannau

I gael rhagor o wybodaeth gweler adran 4 Atodiad 1.

Gobeithir y bydd yr holl gerrig milltir ar gyfer y prosiect yn cael eu cyflawni, a bod yr holl gynnyrch sylfaenol yn cael eu cynhyrchu, erbyn diwedd 2015.

### **5. Sut mae'r penderfyniad yn cyfrannu at y Blaenoriaethau Corfforaethol?**

Mae rheoli'r ffordd y caiff meysydd carafannau eu defnyddio yn cyfrannu at y blaenoriaethau canlynol:-

- Datblygu'r economi leol
- Mae pobl ddiameddiffyn yn cael eu diogelu ac yn gallu byw mor annibynnol â phosibl
- Sicrhau mynediad at dai o ansawdd da
- Moderneiddio'r Cyngor i sicrhau effeithlonrwydd a gwella gwasanaethau ar gyfer ein cwsmeriaid

### **6. Faint fydd hyn yn ei gostio a sut y bydd yn effeithio ar wasanaethau eraill?**

Ni ystyrir bod y prosiect angen unrhyw adnoddau staffio neu gyllid ychwanegol ar y cam hwn.

### **7. Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.**

Mae asesiad o effaith ar gydraddoldeb cychwynnol wedi'i gwblhau ar gyfer y prosiect sy'n nodi mai hil (sipsiwn a theithwyr yn benodol), oedran ac anabledd yw'r nodweddion a ddiogelir sy'n debygol o gael eu heffeithio (gweler Atodiad 5). Fodd bynnag caiff ei hystyried fel dogfen ddynamig a bydd yn parhau i gael ei hadolygu wrth ddatblygu'r prosiect.

### **8. Pa ymgynghoriadau a gynhaliwyd gyda'r Pwyllgorau Archwilio ac eraill?**

Ymgynghorwyd â Phwyllgor Archwilio Cymunedau trwy gydol datblygiad y prosiect hwn.

**9. Datganiad y Prif Swyddog Cyllid.**

Amh.

**10. Pa risgiau sydd ac a oes unrhyw beth y gallwn ei wneud i'w lleihau?**

Mae nifer o risgiau wedi'u nodi ar gyfer y prosiect a gellir eu gweld yn yr Achos Busnes yn Atodiad 6. Fodd bynnag nid oes unrhyw risgiau a ragwelir yn gysylltiedig â'r argymhellion yn yr adroddiad hwn.

**11. Pŵer i wneud y Penderfyniad:**

Deddf Llywodraeth Leol 2000. Mae Erthygl 6.3.3 Cyfansoddiad y Cyngor yn nodi grymoedd Archwilio o ran datblygu ac adolygu polisi.

**Swyddog Cyswllt:**

Hyfforddai Graddedig: Gwella Busnes a Moderneiddio

Ffôn: 07887 802880